

Toktok mo Talemaot Samting



BlueScope i gat komitmen blong enkarejem wan kalja blong talemaot samting we i no stret mo blong protekem olgeta we oli talemaot.

SpeakUp!)

Stamba tingting

Long BlueScope mifala i gat komitmen blong tekem aksen we i fea, i stret folem tingting we yumi akseptem mo wetem wan bilif se samting i stret long wanem mifala i mekem. Blong kasem hae stande blong wok, mifala i enkarejem ol pipol blong mifala mo olgeta we oli wok wetem olgeta blong oli Toktok mo Talemaot (Speak Up) taem oli ting se wan aksen o disisen i no stret, i no folem Bon blong Yumi (Our Bond) o i no folem Kod blong Kondak (Code of Conduct) o folem loa.

Mifala i gat komitmen blong tritim olgeta we oli putum ol stret konsen wetem rispek mo bae mifala mekem sua se oli kasem sapot mo proteksen.

Stamba tingting bihaen long Polisi ia hem i blong soem wanem taem mo olsem wanem blong mekem wan Toktok mo Talemaot ripot, mo wanem BlueScope bae i mekem blong protekem yu sapos yu mekem wan Toktok mo Talemaot ripot.

Hu nao i save mekem ripot

Polisi ia i aplae long evri bisnis we BlueScope Steel Limited i operetem, ol nara smol kampani o bisnis we i kam anda lo hem, mo ol nara bisnis we oli gat koneksen wetem:

- ol ofisa, wokman mo kontrakta blong naoia mo olgeta blong bifo;
- ol saplaeya blong ol guds mo sevis (we oli pem finis mo olgeta we oli no pem yet), ol wokman blong olgeta we oli blong naoia mo olgeta blong bifo;
- wan famli o eniwan we i dipen long eni man o woman long ol grup yumi talem antap ia.

Refrens

1. SD-BSL-LGL-P-02-01.01 Talemaot: Sam Narafala Proteksen long Ostrelia

Wanem blong Ripotem

Yu mas mekem ripot sapos yu gat inaf evidens blong saspektem se BlueScope o eni long ol pipol blong hem oli bin mekem o stap mekem, fasin we:

- i no onest, giaman o korap;
- hem i no folem loa (olsem fasin we i save spolem nara kampani, go agensem braeberi, diskriminesen o ol nara loa);
- hem i go agensem ol gudfala tingting we yumi akseptem o i go agensem Bon blong Yumi, Kod blong Kondak o eni nara polisi o prosidja blong BlueScope;
- hem i putum helt o sefti blong eni man o woman long denja;
- i save mekem BlueScope i lusum mani, damejem reputesen o sapos no i spolem ol interes blong BlueScope; o
- eni nara kaen bihevia we i no stret o situesen o kondisen.

I no nid se yu nao yu kasem problem blong yu resemap. Taem yu resem problem, bae i helpem mifala blong aedentifaeyem mo dil wetem blong impruvum olsem wanem yumi wok.

Taem yu ripotem wan problem, mifala enkarejem yu blong yu talem tru toktok mo no fraet mo provaedem plante infomesen we yu save abaot problem ia.

Olsem wanem blong mekem wan Ripot

Mifala enkarejem ol wokman blong toktok mo talemaot eni samting i go long Maneja o wan memba blong BlueScope People o Legal tim.

Mifala andastan se long sam situesen bae yu no harem gud blong toktok wetem Maneja blong yu o ripotem problem tru long ol nomol rod blong bisnis we i stap. Sapos hemia nao situesen blong yu, yu save mekem wan ripot olsem:

- Kontaktem lokol Etiks & Komplaens representatif blong yu, o kontaktem Etiks & Komplaens tim long Hed Ofis long emeil ethics@bluescope.com; o
- Kontaktem Talemaot Hotlaen blong BlueScope (onlaen o long emeil, telefon, faks o leta).

Talemaot Hotlaen blong BlueScope hem wan sevis we wan aotsaed kampani i manajem we i avelabol 24 aoa long wan dei, 7 dei long wan wik.

Yu save mekem wan ripot i go long Hotlaen we hem i sikret.

Yu save emeilem Talemaot Hotlaen blong BlueScope long bluescopespeakup@deloitte.com o sam narafala wei hem i blong yu kontaktem Hotlaen long kaontri blong yu long www.bluescopespeakup.deloitte.com.au

Sapos yu gat wan pesonal komplek long saed blong wok (olsem wan rao bitwin yu mo wan nara wokman, o wan disisen oli mekem abaot wan transfea o promosen), hemia yu save resem wetem Maneja blong yu o wan memba blong BlueScope People Tim anda long stret People Polisi.

I nogat wan samting long Polisi ia i save stopem yu blong ripotem wan problem i go long wan stret gavman otoriti o blong yu kasem ligel advaes long ol raet blong yu.

Olsem wanem blong protektem yu

BlueScope i komit blong protektem ol pipol we oli toktok mo talemaot samting anda long Polisi ia.

Long loa blong Ostrelia i soem se, long sam situesen, i gat ol ekstra proteksen blong ol pipol we oli ripot taem oli ting se i gat nogud aksen i tekem ples. Blong kasem moa infomesen ridim [Talemaot: Sam Narafala Proteksen](#).

Protektem infomesen blong yu

Blong toktok mo talemaot wan samting i tekem karej mo strong tingting blong onesti mo mifala i stanap strong blong tritim ol ripot anda long Polisi ia wetem sikret.

Sapos yu mekem wan ripot, BlueScope bae i no save talemaot aedentiti blong yu sapos nomo yu agri long hem, o loa i askem o letem blong oli talemaot. Yu save jus blong mekem wan sikret ripot tu long Talemaot Hotlaen.

Oli save talemaot infomesen abaot yu (be oli no save talemaot aedentiti blong yu) sapos i gat strong nid taem oli investigetem ripot blong yu, be bae oli tekem kliia step blong no mekem se oli save aedentifaeyem yu. Sapos i gat eni infomesen we i kamaot we oli no otoraesem, hemia i minim se oli brokem polisi ia.

Sapos yu no wantem talemaot aedentiti blong yu long eniwan long BlueScope, yu save mekem wan sikret ripot taem yu kontaktem Talemaot Hotlaen blong BlueScope long www.bluescopespeakup.deloitte.com.au.

Proteksen blong no kasem rabis tritmen

BlueScope i gat komitmen blong protektem yu long eni rabis tritmen blong spolem yu folem wan ripot we yu mekem anda long polisi ia.

I gat ol difren rabis tritmen blong spolem yu olsem:

- Oli finisim yu long posisen blong yu from yu mekem, o oli ting se yu mekem, wan ripot anda long polisi ia;
- Oli jensem sam long ol diuti blong yu we i spolem yu long saed blong wok;
- Diskriminesen, harasmen, buli o intimidesen (toktok daonem yu);
- Tingting tumas we i afektem maen blong yu;
- Damej long propeti blong yu, reputesen o faenansol posisen; o
- Eni nara kil o tritmen we i nogud from yu bin toktok mo talemaot samting

Eni kaen tritmen blong spolem yu hem i wan siries samting blong brokem long polisi ia mo yu mas ripotem semtaem tru long eni long ol wei i stap anda long 'Olsem wanem blong mekem wan Ripot' seksen blong polisi ia.

BlueScope i no save akseptem eni strong aksen we i tekem ples folem wan ripot anda long polisi ia mo bae i tekem disiplineri aksen, we i save minim teminesen long wok, agensem eniwan we i gat pruf se hem i bin mekem rabis tritmen blong spolem pipol we oli toktok mo talemaot samting o we i tekem pat long wan investigesen.

Mifala Sapotem yu

BlueScope bae i mekem sua se oli sapotem yu long taem blong investigesen proses mo afta long hem folem ol polisi mo loa blong Bon blong Yumi mo HSE & Pipol. Sapot i avelabol tru long People tim.

Yu save faenem long lokol eria blong yu, fri profesanol sapot we i stap aotsaed, i no pat blong BlueScope. Luk long lokol intranet saet o toktok wetem People Tim blong moa infomesen.

Olsem wanem mifala investigetem ol ripot

Evri ripot we oli mekem anda long Polisi ia bae oli tritim se i siries mo wetem rispek. Wanwan ripot bae oli asesem mo investigetem long fasin we oli no tekem eni saed long hem mo long wan fea wei, mo tu long fasin we i sensibol mo i stret folem nejja blong problem we oli ripotem mo situesen blong hem.

Sapos i stret, bae oli givim yu fidbak folem wanem i stap tekem ples mo/o aotkam blong investigesen (i folem ol tingting blong praevesi blong olgeta we i stap insaed long ripot).

Eni man o woman we oli ripotem hem anda long Polisi ia bae oli tritim hem long wan fea wei folem Bon blong Yumi mo HSE & Pipol Policis blong mifala.

OI Diuti blong ol wokman long saed blong ol fasin we yu ting se i nogud

BlueScope i ekspektem se eni wokman we i kam blong save wan nogud fasin long wokples, o wan we i saspektem se i gat nogud fasin i tekem ples, bae i mekem wan ripot tru long Polisi ia.

Wea ples blong faenem Polisi ia

Polisi ia i avelabol long intranet blong BlueScope, mo tu i stap long intanet websaet blong BlueScope.

BlueScope i provaedem trening long saed blong polisi ia i go long ol Bluescope ofisa, wokman mo kontrakta olsem pat blong indaksen proses mo trening we i mas stap tekem ples long ol taem blong hem.

Sapos yu nidim eni eksplenesen o infomesen abaot polisi ia, plis kontaktem lokol Etiks & Komplaens representatif o sendem wan emeil i go long Etiks & Komplaens tim long Hed Ofis (ethics@bluescope.com)

Riviu

Polisi ia bae oli riviium long ol taem i kam blong mekem sua se i operet gud.

Mifala wantem evri man i gat wan vois mo enkarejem Pipol blong yumi blong serem ol aedia mo givim tingting blong olgeta. Mifala i gat komitmen blong krietem wan kalja blong toktok mo talemaot samting taem yu luk se i no stret.